



Adresa: **Ul.H.Čemerlića 39A**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-419-3/23**  
Datum: **23.10.2023. godine**

«Agencija za vodno područje rijeke Save» Sarajevo rješavajući po zahtjevu Investitora Mirko (Rudolf) Bradara iz Krčevina za donošenje rješenja o vodnoj dozvoli za ispuštanje tehnoloških otpadnih voda iz automehaničarske radionice, koja je izgrađena u naselju Krčevine, na zemljištu označenom kao k.č. broj:1574/155 K.O. Orahovo, općina Kiseljak, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi:

### **RJEŠENJE** **o vodnoj dozvoli**

1. Investitoru Mirko (Rudolf) Bradara daje se vodna dozvola za ispuštanje tehnoloških otpadnih voda sa lokacije automehaničarske radionice, koja je izgrađena u naselju Krčevine, na zemljištu označenom kao k.č. broj:1574/155 K.O. Orahovo, općina Kiseljak.
  2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
  3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji predmetnog objekta i pod sljedećim uslovima:
    - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom koja je služila kao podloga za davanje ove vodne dozvole.
    - 3.2. Da se tehnološke otpadne vode prikupljaju putem slivnika sa slivnom rešetkom i internom kanalizacionom mrežom odvođe do sabirnog okna i upuštaju u separator ulja i naftnih derivata sa koalescentnim filterom, a zatim nakon tretmana voda se odvodi do sabirnog okna FV.11 te postojećim cjevovodom PVC DN 160 mm odvodi prema otvorenom kanalu udaljenom cca 150 m od objekta.
    - 3.3. Čišćenje separatora i pratećih elemenata, te odvoz i konačno zbrinjavanje otpadnog mulja i taloga, kao i opasnog otpada sa lokacije predmetnog poslovnog objekta može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja separatora ulja i masti, neophodno je voditi službenu evidenciju i arhivu.
    - 3.4. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet tehnoloških otpadnih voda, a prije ispuštanja u recipijent, zadovoljio granične vrijednosti u skladu sa članom 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj: 26/20 i 96/20).
    - 3.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa članom 19. stav (4) Uredbe o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.6. Ukoliko Vlada Srednjobosanskog kantona propiše dodatne (strožije) uvjete od uvjeta definisanih u prilogu 1. tabela 1.1. kolona 3 tabele Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.7. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo istjecanje i rasipanje opasnih i štetnih materija na tlo i u vode).
- 3.8. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.9. Na predmetnoj lokaciji nije dozvoljeno indirektno ispuštanje otpadnih voda u podzemne vode.
- 3.10. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik predmetnog objekta, Mirko (Rudolf) Bradara, je dužan provoditi sve mjere i aktivnosti propisane istom.
6. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta poslovnog objekta sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja uz uslov da se realizacija aktivnosti obuhvaćeni tačkom 3. dispozitiva rješenja u cjelosti poštuje.
11. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
12. Ova vodna dozvola može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

### **Obrazloženje**

Investitor Mirko (Rudolf) Bradara iz Krčevina, općina Kiseljak zahtjevom bez broja od 21.09.2023. godine koji je zaprimljen na protokolu Agencije dana 26.09.2023. godine obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda sa lokacije automehaničarske radionice, koja je izgrađena u naselju Krčevine, na zemljištu označenom kao k.č. broj:1574/155 K.O. Orahovo, općina Kiseljak.

U provedenom postupku dostavljena je i pregledana sljedeća dokumentacija:

A. Opća dokumentacija:

- Ovjerena kopija lične karte investitora izdata od strane MUP SBK Kiseljak,
- Otpравnik izvornika, OPU-IP-391/2019 – kopija,

- Rješenje o odobrenju za gradnju, broj:03-19-412/20 od 23.12.2020. godine izdato od strane Službe za gospodarstvo, urbanizam, zaštitu okoliša i komunalne poslove Općine Kiseljak - kopija,
- Zapisnik o izvršenom tehničkom pregledu, broj:03-19-1543/23 od 12.09.2023. godine sačinjen od strane Povjerenstvo za tehnički pregled izvedenih radova na stambeno-poslovnim objektu u mjestu Krčevine – kopija,
- Rješenje o okolišnoj dozvoli, broj:03-19-67/20 od 17.02.2020. godine izdato od strane Službe za gospodarstvo, urbanizam, zaštitu okoliša i komunalne poslove Općine Kiseljak – kopija,
- Rješenje o urbanističkoj saglasnosti, broj:03-23-1099/19 od 20.05.2020. godine izdato od strane Službe za gospodarstvo, urbanizam, zaštitu okoliša i komunalne poslove Općine Kiseljak – kopija,
- Rješenje o prethodnoj vodnoj saglasnosti, broj:UP-I/25-1-40-227-9/20 od 07.08.2020. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj saglasnosti, broj:UP-I/25-2-40-554-2/20 od 16.12.2020. godine izdato od strane Agencije za vodno područje rijeke Save, Sarajevo – kopija,
- Punomoć podnosioca zahtjeva broj:OPU-IP:391/2019 od 22.07.2019. godine,
- Račun broj:03501303-6327-1349-0823 od 31.08.2023. godine izdat od strane J.P. „Vodovod i kanalizacija“ d.o.o. Kiseljak,
- Dokaz o uplaćenju federalnoj upravnoj pristojbi na zahtjev

#### B. Tehnička dokumentacija

- Glavni projekat vanjskih hidroinstalacija stambeno-poslovnog objekta automehaničarske radionice na zemljištu 1574/155 K.O. Orahovo, naselje Krčevine, općina Kiseljak, vlasnika Mirko (Rudolf) Bradara, urađen od strane „Ibis“ d.o.o. Zavidovići, broj:68-IB-G/20, novembar 2020. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak predmetne lokacije i tom prilikom sačinjen zapisnik o uviđaju broj: UP-1/21-3-40-419-2/23 od 20.10.2023. godine. Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

- Lokalitet na kojem je izgrađen stambeno-poslovni objekat automehaničarske radionice nalazi se na zemljištu označenom kao k.č. broj 1574/155 K.O. Orahovo, naselje Krčevine, općina Kiseljak.
- Snabdijevanje vodom za piće i sanitarne potrebe stanara i uposlenika je riješeno priključkom na gradsku mrežu kojom upravlja J.P. „Vodovod i kanalizacija“ d.o.o. Kiseljak,
- Sanitarno-fekalne vode nastale u sanitarnim čvorovima poslovnog i stambenog dijela objekta će se ulijevati u vodonepropusnu septičku jamu bez preliva.
- Zauljena voda iz automehaničarske radionice, radno manipulativnih i parking površina se prikuplja zasebnim kanalizacionim sistemom i odvodi prema sabirnom oknu i upušta u separator ulja i masti sa koalescentnim filterom, kapaciteta Q=3 l/s. Nakon tretmana voda se odvodi do sabirnog okna FV.11 te postojećim cjevovodom PVC DN 160 mm odvodi prema otvorenom kanalu udaljenom cca 150 m od objekta.
- Radno-manipulativne površine su betonirane, izgrađeni su slivnici sa rešetkama.
- Izvršen je tehnički pregled izgrađenog objekta i o istom je sačinjen Zapisnik, broj:03-19-1543/23 od 12.09.2023. godine od strane Povjerenstva za tehnički pregled izvedenih radova na stambeno-poslovnim objektu tj. automehaničarske radionice, na zemljištu označenom kao k.č. broj 1574/155 K.O. Orahovo, naselje Krčevine, općina Kiseljak.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati pri korištenju objekta, u skladu sa Zakonom o vodama, Pravilnikom o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.



Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva Mirko (Rudolf) Bradara iz Krčevina, općina Kiseljak, ispunio minimum uslova za izdavanje vodne dozvole za ispuštanje tehnoloških voda sa predmetne lokacije, te je riješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98, 8/00, 45/10 i 43/13).

#### **Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja Rješenja

Po ovlaštenju  
Rukovodilac Sektora za izdavanje vodnih akata  
  
Hariš Ališehović, dipl.ing.građ.

Dostaviti:

- Mirko Bradara  
Krčevine 18, 71250 Kiseljak, (sa prilogom),  
AVP Sava, ISV-vodna knjiga,  
- Org.jed. 50,  
- Org.jed. 40-arhiva,  
- Oglasna tabla AVP Sava Sarajevo